

Inissiat peqqinnissaqarfiup sulisuinut allanullu atugassanngortinneqarallartut pillugit kaajallaasitaq

Kapitali 1

Atuuffia

§ 1 Kaajallaasitami matumani peqqinnissaqarfiup sulisunut, siunnersortinut, taartaasunut allatigullu piffissami killilimmi sivikitsumillu atorfinitsinneqartunut, inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq naapertorlugu atorfimmud atavillugu inissaqartinneqanngitsunut, inissiaatai sinittarfiilu kiisalu utaqqiisaagallartumik atorfinitsinneqartunut illusimatitsisarneranut atugassarititaasut malittarisassiuunneqarput.

Imm. 2. Inissiat kaajallaasitami matumani pineqartut taamaallaat utaqqiisaasumik imaluunniit piffissami sivikitsuinarmi, ukiumik ataatsimit sivisunerunngitsumi allakkatigullu isumaqatigiissuteqartoqareerneratigut, atugassanngortitaagallarsinnaapput.

Kapitali 2

Ingerlatsineranut pequsersuinerumillu akileeqataassutit

§ 2 2018-imi ingerlatsineranut akileeqataassutit m²-imut ukiumut tassaapput 744 kr. Ingerlatsineranut akileeqataassutinut ilaapput, inissaqartitsinerup saniatigut, innaallagissamik, imermik kiassarnermillu tulluurtumik atuineq. Ingerlatsineranut akileeqataassutinut ilaanngillat oqarasuaammud, internetimud, satellit-tv-mud imaluunniit kabel-tv-mud aningaasartuutit.

Imm. 2. Ingerlatsineranut akileeqataassutit inissiami init ineqarfissatut atorneqarsinnaasut annertussusii aallaavigalugit naatsorsorneqassapput, taamaattoq annerpaamik 180 m² tikillugit.

§ 3. Peqqinnissaqarfik pequtinik atugassaqaqtitsisimatillugu qaammammud pequteqaqtitsineranut akileeqataassutit akilerneqartassapput imatut annertussusillit:

- a) 128 kr. ineeqqanut aamma inissianut ataatsimik initalinnut
- b) 193 kr. inissianut marlunnik initalinnut
- c) 257 kr. inissianut pingasunik initalinnut
- d) 321 kr. inissianut sisamanik initalinnut
- e) 385 kr. inissianut tallimanik initalinnut anginerusunullu.

§ 4 Ingerlatsineranut akileeqataassutit immaqalu pequsersuineranut akileeqataassutit qaammatikkaarlugit akileequneqartassapput.

Imm. 2 Ingerlatsineranut akileeqataassutit immaqalu pequsersuineranut akileeqataassutit sulisup akissarsiaanik ilanngaanikkut akilersinneqartassapput. Immikkut ittumik pisoqarsimatillugu akiligassamik nassiussinikkut akileeqquisoqartarsinnaavoq.

Imm. 3. Aalajangersimasumik atorfinitsinneqarsimasut isumaqatigiissutit malillugit sulisunut inissiami najugaqarsinnaatitaasut ingerlatsineranut akileeqataassutinik imaluunniit pequsersuineranut akileeqataassutinik akileequneqartassanngillat, aamma:

- a) sulisunut inissiamik neqeroortoqarnissaata tungaanut utaqqiisaagallartumik illusimatinneqartut, imaluunniit
- b) piffissap atorfeqaqtitaaffiusup naalernerani sivikitsumik illusimatinneqartut.

Kapitali 3

Inissiap qanoq innera

§ 5. Peqqinnissaqarfiup nakkutigissavaa inissiap nutserfigineqarnermini naleqquttumik pitsaassuseqarnissaa.

Imm. 2. Peqqinnissaqarfik sulisorlu peqatigiillutik inissiap iserterfigineqarnermini ajoqtigiunnagaanik amigaatigiunnagaanillu naatsorsuusiussapput.

§ 6. Sulisup atorfeqarnermi unitsinneqarnerani inissiaq qimassallugu pisussaaffigaa.

§ 7 Sulisup inissiamik attartuiunnaarnini qaammatip naanerani qaammat ataaseq sioqqullugu nalunaarutigissavaa. Qaammatip ingerlanerani siusinnerusukkut inissiap attartorneqarunnaarnissaa isumaqatigiissutigineqarsinnaavoq. Attartorunnaarneq allakkatigut nalunaarutigineqassaaq.

Imm. 2. Immikkut ittumik pisoqarsimatinnagu peqqinnissaqarfiup piumasarisinnaavaa sulisup atorfeqartitaanermi suli naannginnerani inissiaq qimassagaa, pisariaqassappat taarsiullugu inissiamik innersuussisoqarneratigut. Tamanna qaammammik ataatsimik siumut ilimasaaruteqarluni qaammatip naanissaanut sulisumut allakkatigut nalunaarutigineqassaaq.

§ 8 Inissiap qimanneqarnerani sulisup inissiaq nalinginnaasumik nungullariartorneq pisoqalinerlu eqqaassanngikkaanni iserternermisulli pissuseqartillugu tunniutissavaa.

Imm. 2. Inissiap qimanneqarnerani peqqinnissaqarfik sulisorlu qimatsinermi pissutsinik misissueqatigiissapput.

Kapitali 4*Akinik naleqqussaaneq*

§ 9 Ingerlatsinermut akileeqataanermut pequsersuinernullu akileeqataanermut akigititat ukiup siuliani juulip aallaqqaataanni atuisunut akigititamut naleqqersuutit naapertorlugit ukiumut ataasiarluni januaarip aallaqqaataanni naleqqussarneqartassapput.

Imm. 2 Attartornissamik isumaqatigiissutit naleqqussaanerup siornatigut atsiorneqarsimasut naleqqussarneqassanngillat, kisianni ingerlatsinissamut akileeqataaqqusissutit attartornissamik isumaqatigiissummi allassimasut attatiinneqassapput.


Kapitali 5*Atuutilersitsinermi ikaarsaarnermilu aalajangersakkat assigisaallu*

§ 10. Kaajallaasitaq una 1. maaji 2018-imi atuutilersinneqarpoq.

Imm. 2 Tamatuma saniatigut inissiat peqqinnissaqarfiup sulisuinut allanullu atugassanngortinneqartut pillugit kaajallaasitaq nr. 16A, 1. januar 2014-imeersoq aamma pequsersuinerlutik akileeqataaqqusisarneq pillugu kaajallaasitaq nr. 16B, 1. januar 2014-imeersoq atorunnaarput.

Namminersorlutik Oqartussat, ulloq 13. aprili 2018

Tine Pars



Michael Würtz



æInissiat peqqinnissaqarfiup sulisuinut allanullu atugassanngortinneqarallartut pillugit kaajallaasitaq xx, xx. xxx 2018-imeersoq pillugu ilitersuutit**1. Peqqinnissaqarfiup inissiaatai, tak. § 1.**

Peqqinnissaqarfik inissianik Namminersorlutik Oqartussanit pigineqartunik peqqinnissaqarfiullu suliffeqarfigisaanut atasunik atugassaqartitaavoq. Peqqinnissaqarfik inissianut tamakkununga tamakkiisumik pisussaaffeqarpoq taamatuttaaq aserfallatsaaliinissanut iluarsaassisarnissanullu pisussaaffeqarluni.

Tamakku saniatigut, illuutininik najugaqarfissatut attartortitsisarneq pillugu Namminersornerullutik Oqartussat nalunaarutaat § 1, imm. 3 malillugu, peqqinnissaqarfik A/S INI-mit illusimatitsineranut atornissaannut akuerisaalluni inissiarpaalunnik attartugaqarpoq. Inissiat tamakku pillugit A/S INI attartornissamut isumaqatigiissuteqarfigineqartarpoq, peqqinnissaqarfiullu nalinginnaasunik atugassaqartitaalluni qularnaveeqqusiissutit allallu akilertartussaavai. Peqqinnissaqarfik A/S INI-mut tunngatillugu attartortutut pisarnertut pisinnaatitaaffeqarlunilu piginnaatitaaffeqarpoq. Inissiat attartornissamik isumaqatigiissuteqarnerup aallartinnerani ilaatigut misissorneqassapput, aamma ikkussukat, ruujorit, errorfiit, perusersartarfiit, kiassaait, silaannarissarfiit assigisaallu ajoqutaat ingerlaannaq A/S INI-mut nalunaarutigineqassapput.

Peqqinnissaqarfiup inissiaatai peqqinnissaqarfimmi sulisunut assigiinngitsunut marlunnut atorneqarsinnaapput. Aappaat tassaapput taartaagallartut, siunnersortit sulisorineqarallartulluunniit inissianik attartortitsisarneq pillugu Inatsisartut peqqussutaanni pineqanngitsut taamaammallu ineqartitaanissaminnik piunasaqaateqarsinnaanngitsut. Taakku kaajallaasitami malittarisassat malillugit ingerlatsineranut akileeqaataassutinik aamma pequsersuineranut akileeqaataassutinik akiliisassapput. Allat tassaapput aalajangersimasumik sulisorineqartut sulisunut inissiamik pisariaqartitsisut sulisunut inissiamik atugassanngortitsisoqarnissaata tungaanut utaqqisariaqartartut imaluunniit angerlartussanngorlutik ulloq angerlamut aallarfiissaq nalliutserlugu sulisunut inissiamit nuuttariaqalersartut. Taaneqartut kingulliit ineqarneq pillugu kaajallaasitami § 4, imm. 3 malillugu ingerlatsineranut akileeqaataassutinik aamma pequsersuineranut akileeqaataassutinik akiliisartussaannngillat.

Peqqinnissaqarfik kaajallaasitaq nr. 16 naapertorlugu inissianik atugassiigaangat inissiamik atugassinneqartoq inissianik attartortitsisarneq pillugu Inatsisartut peqqussutaannut ilaasanngilaq, takuuk peqqussummi § 1, imm. 3. Tassani takuneqarsinnaavoq pineqartup inatsisitigut inissisimanera isumaqatigiissuteqartarneq pillugu inatsisinik pingaarnerusutigut malinninnerussasoq taamatullu atorfinitsitsisarnermi inatsisinik aamma pisortat ingerlatsineranni inatsisinik nalinginnaasunik arlaatigut tunngaveqassalluni.

2. Ingerlatsineranut akileeqaataassutit naatsorsorneqartarnerat, takuuk § 2.

Ingerlatsineranut akileeqaataassutit naatsorsorneqartarput inissiap inittussusianik oqaatigineqartut malillugit inissiap m²-ia kisitsimmik 744-mik amerlisarlugu, taamaalippat ukiumut ineqarnermut akiliutissaq inernerissammagu. Qaammammut ineqarnermut akiliutissaq paasiniarlugu kisitsit taanna 12-imik agguarneqassaaq.

Assersuut:

Inissiamut 60 m^2 -iusumut ingerlatsinermit akileeqataassutit imatut naatsorsorneqassapput:

$60 \cdot 744 = 44647$ koruunit ukiumut.

Imaluunniit

$60 \cdot 728/12=3721$ koruunit qaammammut.

180 m^2 sinnerlugit ineqarnermit akiliutissanik naatsorsuisoqanngisaannarpoq, taamaalilluni qaammammut ingerlatsinermit akileeqataassutit 11162 koruuninit amerlanerusinnaassanatik. (akigititanik iluarsisuteqartarneq eqqaassanngikkaanni).

Assersuut:

Inissiamut 194 m^2 -inik angissusilimmut ingerlatsinermit akileeqataassutit imatut naatsorsorneqassapput:

$180 \cdot 744 = 133940$ koruunit ukiumut.

Imaluunniit

$180 \cdot 744/12=11162$ koruunit qaammammut.

Inissiaq atoriaannaasoq sulisup attartortarnermit malittarisassat nalinginnaasut malillugit inigisinnaasaanit amerlanerusunik arlalinnik ineerartaqarpat ineeqqat sinneruttut parnaarneqarsinnaapput. Taamaalereerpat sulisup taamaallaat kvadratmeterit atugassanngortinneqartut akilissavai. Inissiap/ ineeqqat angissusiinik titartakkat kommunip allaffiani teknikkimut immikkoortortaqarfimmi pissarsiarineqarsinnaapput. Ingerlatsinermit akileeqataassutit inissiamik attartornermit A/S INI-p akiliutigeqqusai qaanginnngisaannassavaat inissiami m^2 -it amerlassusii apeqqutaatinnagit.

3. Inissiat pequsersoriikkat, takuuk § 3.

Inissiamut ilanngullugu pequtit imaluunniit pigisat atugassanngortinneqarpata (tassunga ilanngullugu fjernsyni, qerititsivik, errorsivik imaluunniit erruissut) annikinnerusumik aalajangersimasumik pequsersuinermit akileeqquisoqartassaaq. Akileeqataassutit annertussusissaannut taamaallaat inissiami ineeqqat amerlassusiat apeqqutaassaaq pequsersuinerup annertussusia pinnagu. Iganermut kissarsuutit, nillataartitsiviit kissaassutillu atorneqarsinnaasut pequtit isigineqassanngillat, peqqinnissaqarfimmit pisiarineqarsimagaluarunilluunniit.

Inuup inissiamik pequsersoriikkamik atugassinneqartup pequtit tamakkiisumik ilannakuusumilluunniit peerneqaqqusinnaanngilai taamaaliorneq assartuinermit toqqorsivimmullu ilioraanermut pissusissamisuunngitsumik aningaasartuutininik kinguneqarsinnaammat, tassa atugassanngortitsineq utaqqiisaarutaannaappat imaluunniit piffissami sivikitsuimi atuutissappat. Taamaattoq peqqinnissaqarfiup pequtit allallu ajoquserneqarsimasut nungullarsimasulluunniit piiassavai, iluarsaatsillugit taarsersorlugilluunniit, tassa amigaataasut nalinginnaasimannngippata.

Atuisinnaatitaasoq pequtit ajoqusernerinut inissiamilu ajoqusernermut akisussaatinneqassaaq. Tamanna ilaatigut ima isumaqarpoq nalinginnaasumik atuinerup nungullariartornerullu kingunerisaannik amigaataalersut atuisinnaatitaasumit taarserneqartassanngitsut.

4. Ingerlatsinermut akileeqataassutissat aamma pequsersuinnermut akileeqataassutissat akileqquneqartarnerat, takukkit § 4 aamma § 9.

Ingerlatsinermut akileeqataassutissat aamma pequsersuinnermut akileeqataassutissat akissarsiatigut toqqaannartumik akileqquneqartassapput.

Kaajallaasitap § 4-a naapertorlugu ingerlatsinermut akileeqataassutissat aamma pequsersuinnermut akileeqataassutissat akileqquneqarneranni eqqaasitsissutigineqassaaq kaajallaasitami akileeqqusissutit annertussusaat § 9 naapertorlugu naleqqussarneqartassammata.

Attartornissamik isumaqatigiissutigineqareersimasut ukiut nikinneranni ingerlasut iluarsiivigineqartassanngillat. Tassa imaappoq maannakkut akigitinneqartunik 2017-imi isumaqatigiissutigineqarsimasut kingusinnerusukkut 2018-imut il.il. akigitinneqalersunut iluarsiivigineqassanngillat, taamaaliornissarmi nalinginnaasumik isumaqatigiissummi isumaqatigiissutitigut piumasaqaataanngimmat atuukkallaannartussatut pissuseqarneranik pissuteqartumik pisariaqartinneqassanani.

Atukkerneqartoq peqqinnissaqarfimmit akissarsisinneqartarpat akissarsiat ilanngarnerisigut akileeqqusisoqartassaaq, allamik allakkatigut immikkut ittumik isumaqatigiissuteqartoqarsimanngippat.

5. Inissiami ataatsimi atuisinnaatitaasut arlallit

Inuit arlaallit inissiami ataatsimi ineqartitaagallarsimappata ingerlatsinermut akileeqataassutit aamma pequsersuinnermut akileeqataassutit ineqartitaasut akornanni assigiimmik agguarlugit agguanneqassapput.

Inissiami inunnik arlalinnik inissiiqallartarnek taamaallaat atorineqartariaqarpoq inissiap angissusia atoruminarsarneqarsimaneralu eqqarsaatigalugit illersorneqarsinnaasutut oqaatigineqarsinnaatillugit. Peqqinnissaqarfiup inuit arlallit inissiami ataatsimi illusisimatinniarlugit pilersaarutigippagu tamanna attartornissamik isumaqatigiissummut tamatigut allanneqartassaaq

6. Aalajangersimasumik atorfeqartitaasunik inissaqartitsigallartarnek, takuuk § 4, imm. 3.

Aalajangersimasumik atorfeqartitaasut isumaqatigiissutillit sulisunut inissiamiissinnaanerminnut piginnaatitaaffillit piffissani isumaqatigiissutit malillugit sulisunut inissiamut innersuunneqarsinnaanngitsut maannamutulli akeqanngitsumik inissaqartitaagallarsinnaatitaapput (atorneqanngikkallartunik inissianik / utaqqiisaarutaasumik illusisimatinneqarnek).

Taamatuttaaq piffissap atorfeqarfiusup naalernerani ikaarsaariarnermi sivikitsumi ineqartitaanermut akiliutissanik akileeqqusisoqassanngilaq, taamaaliornissaq arlalippassuartigut pisariaqalersarmat sulisup pigisai umiarsuakkut angallanneqartussanngorlugit atorfeqartitaanerup qaangiunnissaa sioqqullugu ulluni arlalinni sapaatit-akunneriniluunniit poortorneqareersimasariaqartarmata.

7. Qaammatip qiteqqunnerani inissiamik qimatsineq, takuuk § 7, imm. 1.

Atuisinnaatitaasoq qaammatip qiteqqunnerani inissiamiit nuuppat ingerlatsinermut akileeataassutissanik taamaallaat akileeqqusisoqartassaaq ulloq pineqartup nuuffia tikillugu. Tamatumani ingerlatsinermut akileeataaqqusissutit immaqalu pequsersuinermit akileeataaqqusissutit 30-nik agguinikkut ullormut akileeqqusissutit naatsorsorneqartassapput, tamatumalu inernera qaammammi kingullermi inissiap atorneqarsinnaaffigisaanik ullunik amerlisarneqartassaaq.

Assersuut:

Atugassaqartinneqartoq inissiamut pingasunik ineeralimmut 60 m²-nik angissusilimmut illusisimatinneqarnermit akileeataaqqusissutit 3891 kr. qaammammut akilertarpai. Pineqartoq ulloq 10. juli inissiamiit nuunniarluni kissaateqarpoq.

Ullormut akiliutissat imatut naatsorsorneqassapput: 3.891 kr. / 30 = 129,7 kr. / ullormut Juulimi ullunut siullernut qulinut ineqarnermit akiliutissat imatut naatsorsorneqassapput: 129,7 • 10 = 1.297 kr.

Malugiuk assersuummi ullormut akiliutissat qaammammut aningaasartuutit 30-nut aggorneqartarmata, naak juulimi ullut 31-ugaluartut. Taamatuttaaq februaarimi ullut 30-nik naatsorsorneqassapput, naak nalinginnaasumik 28-usaraluartut.

Attartornissamut isumaqatigiissummi ulloq inissiamik qimatsilluni nuuffissaq aalajangerneqarsimangippat (taamaassimassappat tamanna immersuiffissami "pissutsit immikkut ittit / oqaaseqaatigiumasat"-ni allanneqassalluni), nuunnissaq peqqinnissaqarfimmu qaammamik ataatsimik siumut ilimasaarutigalugu qaammatip naanissaannut nalunaarutigineqassaaq.

Assersuut:

Atuisinnaatitaasup ulloq 17. maj inissiaq qimakkusuppa.

Nuunnissaq peqqinnissaqarfimmu nalunaarutigineqassaaq kingusinnerpaamik ulloq 31. marts.

8. Peqqissutsimut Naalackersuisoqarfiup kaajallaasitaanik nr. 16-imik tunniussineq.

Nalinginnaasumik isumaqatigiissut malillugu kingusinnerpaamik isumaqatigiissutip atsiorneqarneranut atatillugu kaajallaasitaq sulisumut il.il. allaganngorlugu tunniunneqassaaq. Periarfissaqarportaaq piumasaqaataanili kaajallaasitamut ilitsersuutip matuma tunniunniisaanut.

Namminersorlutik Oqartussat, ulloq 13. aprili 2018.

Tine Pars


/

Michael Würtz
